



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«22» 03 2023թ.

No 002544

«ԵՐԵՎԱՆԻ «ՇԱՄՊԱՅՆ ԳԻՆԻՆԵՐԻ ԳՈՐԾԱՐԱՆ»» ԲԱՑ
ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՏՆՕՐԵՆ
ՏԻԿԻՆ ՖԻԱՄԵՏԱ ՀԱԿՈՐՅԱՆԻՆ

(հասցե՝ ք. Երևան, Թբիլիսյան խճ.20,
պատճենը՝ ք. Երևան, Հ.Հովհաննիսյան փ., տ. 19,
էլ. փոստի հասցե՝ hrchampagne@mail.ru)

Հարգելի՛ տիկին Հակոբյան,

Կից ուղարկվում է Մրցակցության պաշտպանության հանձնաժողովի (այսուհետ՝ **Հանձնաժողով**) 2023 թվականի մարտի 21-ի ««Ալկո Գարդեն» սահմանափակ պատասխանատվությամբ ընկերության և «Երևանի «Շամպայն Գինիների Գործարան»» բաց բաժնետիրական ընկերության վերաբերյալ թիվ ՀԳ-03551/22 վարույթի ժամկետը երկարաձգելու մասին» թիվ 132-Ա որոշման պատճենը:

Միաժամանակ տեղեկացնում ենք, որ Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Առդիր՝ «3» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Կարարող՝ Արմենուհի Թադևոսյան
Անբարեխիղճ մրցակցության վերահսկողության վարչություն
Հեռ. (+374 60) 830-840 (245)



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ**

Ո Ր Ո Շ ՈՒ Մ

21 մարտի 2023 թվականի թիվ 132-Ա

**«ԱԼԿՈ ԳԱՐԴԵՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԵՎ
«ԵՐԵՎԱՆԻ «ՇԱՄՊԱՅՆ ԳԻՆԻՆԵՐԻ ԳՈՐԾԱՐԱՆ»» ԲԱՑ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆ ՎԵՐԱԲԵՐՅԱԼ ԹԻՎ ՀԳ-03551/22 ՎԱՐՈՒՅԹԻ ԺԱՄԿԵՏԸ
ԵՐԿԱՐԱԶԳԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի մարտի 21-ի նիստում, քննարկելով «Ալկո Գարդեն» սահմանափակ պատասխանատվությամբ ընկերության (այսուհետ նաև՝ «Ալկո Գարդեն» ընկերություն) և «Երևանի «Շամպայն Գինիների Գործարան»» բաց բաժնետիրական ընկերության (այսուհետ նաև՝ «Երևանի «Շամպայն Գինիների Գործարան»» ընկերություն) վերաբերյալ թիվ ՀԳ-03551/22 վարույթի ժամկետը երկարաձգելու մասին հարցը,

Պ Ա Ր Զ Ե Ց

«Տերտերյանների Այգիներ» սահմանափակ պատասխանատվությամբ ընկերությունը (այսուհետ նաև՝ **Հաղորդում ներկայացրած անձ**) 2022 թվականի դեկտեմբերի 12-ին Հանձնաժողով է ներկայացրել հաղորդում՝ հայտնելով, որ Միեր Հայկի Տերտերյանի անվամբ 2018 թվականի հունվարի 10-ին գրանցվել է «MEYRON» համակցված ապրանքային նշան (այսուհետ նաև՝ **Ապրանքային նշան**)՝ ապրանքային նշանի գրանցման վկայագիր թիվ 26910, հայտնել է նաև, որ Ապրանքային նշանը գրանցվել է ինչպես անգլերեն լեզվով՝ «MEYRON», այնպես էլ հայերեն լեզվով՝ «ՄԵՅՌՈՆ»:

Հաղորդում ներկայացրած անձը նշել է, որ Ապրանքային նշանը Միեր Հայկի Տերտերյանը տրամադրել է օգտագործման «Տերտերյանների Այգիներ» սահմանափակ պատասխանատվությամբ ընկերությանը (լիցենզային պայմանագրի գրանցման համար թիվ 2716, գրանցման ամսաթիվը՝ 2022 թվականի հունվարի 10), ընդ որում Միեր Հայկի Տերտերյանը հանդիսանում է «Տերտերյանների Այգիներ» սահմանափակ պատասխանատվությամբ ընկերության հիմնադիր-տնօրենը:

Միաժամանակ, Հաղորդում ներկայացրած անձը հայտնել է, որ թիվ ԵԴ/55713/02/21 քաղաքացիական գործով կատարողական թերթ ներկայացնելուց հետո ԴԱՀԿ ծառայության ակտիվ գործողությունների հետևանքով ներկայումս շուկայում բացակայում է «MERO'N» ապրանքային նշանով ակոհոլային խմիչքը/գինին, փոխարենը շուկան ողողված է նույն «Ալկո Գարդեն» ընկերության կողմից արտադրվող և «Երևանի «Շամպայն Գինիների Գործարան»» ընկերության կողմից շալցվող «LA'MERO'N»/«ԼԱ'ՄԵՐՈՆ» կաթիլի տեսքով ապրանքային նշանի ներառմամբ ակոհոլային խմիչքները/գինիները, որոնք ևս շփոթության աստիճանի նման են Հաղորդում ներկայացրած անձի կողմից արտադրվող «MEYRON»/«ՄԵՅՐՈՆ» կաթիլի տեսքով ապրանքային նշանով գինիներին:

Հանձնաժողովը 2022 թվականի դեկտեմբերի 27-ի ««Ալկո Գարդեն» սահմանափակ պատասխանատվությամբ ընկերության և «Երևանի «Շամպայն Գինիների Գործարան»» բաց բաժնետիրական ընկերության կողմից տնտեսական մրցակցության բնագավառում իրավախախտումների վերաբերյալ վարույթ հարուցելու մասին» թիվ 475-Ա որոշմամբ հարուցել է թիվ ՀԳ-03551/22 վարույթը (այսուհետ նաև՝ **Վարույթ**):

Վարույթը հարուցվել է «Ալկո Գարդեն» ընկերության և «Շամպայն Գինիների Գործարան» ընկերության կողմից «MERO'N» բառի և կաթիլի տեսքով պատկերի ներառմամբ ապրանքային նշանի, ինչպես նաև «LA'MERO'N»/«ԼԱ'ՄԵՐՈՆ» բառի և կաթիլի տեսքով պատկերի ներառմամբ ապրանքային նշանի օգտագործմամբ «Տերտերյանների Այգիներ» սահմանափակ պատասխանատվությամբ ընկերության, նրա գործունեության և առաջարկած ապրանքների նկատմամբ շփոթության առաջացման դրսևորումներով անբարեխիղճ մրցակցության հատկանիշների առերևույթ առկայության հիմքով:

Հանձնաժողովը 2023 թվականի հունվարի 27-ին ընդունել է ««Տերտերյանների Այգիներ» սահմանափակ պատասխանատվությամբ ընկերությանը և ֆիզիկական անձ Մհեր Հայկի Տերտերյանին շահագրգիռ անձ ճանաչելու մասին» թիվ 40-Ա որոշումը:

Վարույթի շրջանակում Հանձնաժողովի նախագահի 2022 թվականի դեկտեմբերի 29-ի թիվ 8564 գրությամբ (այսուհետ նաև՝ **Գրություն 1**) և թիվ 008578 գրությամբ (այսուհետ նաև՝ **Գրություն 2**) համապատասխանաբար «Ալկո Գարդեն» և «Երևանի «Շամպայն Գինիների Գործարան»» ընկերություններից պահանջվել է Հանձնաժողով ներկայացնել տեղեկատվություն:

«Ալկո Գարդեն» ընկերությունը Գրություն 1-ով պահանջված տեղեկատվությունը սահմանված ժամկետում Հանձնաժողով չի ներկայացրել:

Հանձնաժողովը 2023 թվականի փետրվարի 14-ի թիվ 78-Ա որոշմամբ հարուցել է թիվ ՀԳ-00510/23 վարույթ՝ «Ալկո Գարդեն» ընկերության կողմից Հանձնաժողովին տեղեկատվություն տրամադրելու հարցում տնտեսավարող սուբյեկտի պարտականության խախտման հատկանիշների առերևույթ առկայության հիմքով:

«Երևանի «Շամպայն Գինիների Գործարան»» ընկերությունը, ի պատասխան Գրություն 2-ի, Հանձնաժողով է ներկայացրել ոչ ամբողջական և ոչ հավաստի տեղեկատվություն:

Հանձնաժողովը 2023 թվականի փետրվարի 28-ի թիվ 90-Ա որոշմամբ հարուցել է թիվ ՀԳ-00800/23 վարույթը (այսուհետ նաև՝ **թիվ ՀԳ-00800/23 վարույթ**)՝ «Երևանի «Շամպայն Գինիների Գործարան»» ընկերության կողմից Հանձնաժողովին տեղեկատվություն տրամադրելու հարցում տնտեսավարող սուբյեկտի պարտականության խախտման հատկանիշների առերևույթ առկայության հիմքով:

Հանձնաժողովը 2023 թվականի մարտի 14-ին ընդունել է «Ալկո Գարդեն» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 122-Ա որոշումը, որի 3-րդ կետով «Ալկո Գարդեն» ընկերությանը հանձնարարվել է հինգ աշխատանքային օրվա ընթացքում Հանձնաժողով ներկայացնել Գրություն 1-ով պահանջված տեղեկատվությունը, որը «Ալկո Գարդեն» ընկերությունը դեռևս չի ներկայացրել:

Թիվ ՀԳ-00800/23 վարույթն ընթացիկ փուլում է:

Հաղորդում ներկայացրած անձը 2023 թվականի մարտի 17-ին Հանձնաժողով է ներկայացրել գրություն՝ հայտնելով, որ նախաձեռնել է սոցիալական հարցում կազմակերպելու գործընթաց՝ նպատակ ունենալով ձեռք բերել անաչառ դիտորդի կարծիքն առ այն, թե արդյոք «ՄԵՅՌՈՆ», «ՄԵՌՈՆ» և «ԼԱՄԵՌՈՆ» ապրանքանիշի գինիները, որոնցում առկա է կաթիլի պատկերը շփոթության աստիճանի նույնական են միմյանց, թե ոչ:

Հաշվի առնելով ողջ վերոգրյալը, ինչպես նաև Վարույթի շրջանակում գործի բազմակողմանի, լրիվ և օբյեկտիվ քննություն իրականացնելու նպատակով Վարույթի իրականացման՝ «Տնտեսական մրցակցության պաշտպանության մասին» օրենքով (այսուհետ նաև՝ **Օրենք**) սահմանված եռամսյա ժամկետը բավարար չէ՝ Հանձնաժողովը գտնում է, որ առաջացել է Վարույթի ժամկետը եռամսյա ժամկետով երկարաձգելու անհրաժեշտություն:

Հիմք ընդունելով վերոգրյալը և ղեկավարվելով Օրենքի 63-րդ հոդվածի 1-ին մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. 2023 թվականի մարտի 27-ից եռամսյա ժամկետով երկարաձգել «Ալկո Գարդեն» սահմանափակ պատասխանատվությամբ ընկերության և «Երևանի «Շամպայն Գինիների Գործարան»» բաց բաժնետիրական ընկերության վերաբերյալ թիվ ՀԳ-03551/22 վարույթի ժամկետը:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2023 թ. մարտի 21
Երևան



Գ. ԳԵՎՈՐԳՅԱՆ

